

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆԸ



Հայ ժողովրդի սոցիալիստական հարուստ կուլտուրայի զարգացման պատմության մեջ իր ուրույն տեղն ունի հայկական բարձրագույն դպրոցներից առաջինը՝ Երևանի Պետական համալսարանը:

Հայ ժողովրդի լավագույն զավակները շատ է են երագել ունենալ հայկական համալսարան, ուր հայ երիտասարդությունը կարողանար հագնեցնել իր ուսման ծարավը, գիտություններ սովորել մայրենի լեզվով:

Արտահայտելով ժողովրդի այդ դարավոր իլծը, Հովհաննես Թումանյանը գրում էր.

«Պետք է ստեղծել հայոց համալսարանը, ուր կարելի լինի բարձրագույն գիտություններն ավանդել ու սովորել հայերեն լեզվով: Մեր տարրական ու միջնակարգ դպրոցների մեջտեղը պետք է կառուցանել ու պահել մի գիտության տաճար, մեր մանր ու մեծ հրագների մեջտեղը պետք է վառել մի մեծ ջրան—Հայկական Համալսարան:

...Չմոռանա՞նք, որ հայ ժողովուրդը ինչ բարձր բան կատարել է, միշտ կատարել է՝ Հայկական լեզվ ու դառն ժամանակին... և սրա մեջ է մեր ցեղի մեծությունն ու մեր կյանքի մեծ դրաման. ինչ որ մենք կլինենք՝ մեր համալսարանն էլ մեզ հետ»¹:

Այդ մեծ ջահը հնարավոր եղավ վառել միայն 1920 թվականին, Հայաստանում սովետական կարգեր հաստատվելուց ընդամենը 18 օր հետո:

Մանր ու դժվարին ժամանակներ էին դրանք: Սովետական իշխանությունը ժառանգում էր ցարական Ռուսաստանի ծայրագավառը, որի առանց այն էլ հետամնաց ժողովրդական տրնտեսությունը պատերազմի ու դաշնակցականների տխրահռչակ տիրապետության օրոք լիակատար քայքայման էր հասել: Դաշնակների

¹ «Թումանյանը ըննադատ», Երևան, 1939, էջ 418—419:

տիրապետության տարիներին՝ 1918—1920 թվականներին սովից ու տարափոխիկ հիվանդություններից կոտորվել էին մոտ 330 հազար մարդ։

Չնայած երկրի այսպիսի ծանր վիճակին, 1920 թվականի դեկտեմբերի 17-ին, Սովետական Հայաստանի կառավարության հատուկ որոշմամբ հիմնադրվեց Երևանի ժողովրդական համալսարանը, մեր ուսպուրիկայի առաջին բարձրագույն ուսումնական հաստատությունը։

Այսպիսով՝ Երևանի համալսարանը Հայաստանում Սովետական իշխանության հաստատման արդյունք է, սովետական կարգերի ծնունդը։

Հայաստանում սովետական կարգերի հաստատումից անմիջապես հետո Երևանի ժողովրդական համալսարանի հիմնադրումը պարտիզի և Սովետական կառավարության՝ ժողովրդական նրբություն նկատմամբ ցուցաբերած անսահման հոգատարության և ազգային իմաստուն քաղաքականության արդյունք էր։

1925 թվականին Հայաստանի Խորհուրդների 4-րդ համագումարում համալսարանի պրոֆեսորների անունից ունեցած իր ելույթում պրոֆ. Սո. Ղամբարյանը ասում է. «Հայաստանի համալսարանը հիմնվեց այն ժամանակ, երբ դրա համար միջոցներ չկային, դուր վերջին կուպենները տվեցիր համալսարանին, երբ ամեն կուպենը թանկ էր... Եւ հայոց պատմությունը երբևէ չի կարող մոռանալ»։

Հայկական համալսարանի հիմնադրումը իրոք խոշորագույն իրադարձություն էր հայ ժողովրդի կյանքում։ Համալսարանի հիմնադրումով հայ մտավորականությունը հնարավորություն էր ստանում աշխատել Հայաստանում և ծառայել իր ժողովրդի գիտական ու կուլտուրական պահանջներին։ Հայ երիտասարդությունը մտքերն լեզվով բարձրագույն կրթության հնարավորություն էր ստանում։ Համալսարանի առաջին ուկուոր է նշանակվում պատմաբան Հակոբ Մանանդյանը։ Համալսարանը իր բացման ժամանակ ուներ երկու ֆակուլտետ՝ հասարակագիտական և բնագիտական։

Համալսարանի բացման հանդեսը տեղի է ունենում 1921 թվականի հունվարի 23-ին, իսկ պարապմունքներն սկսվում են հունվարի 25-ին։

1921 թվականի փետրվարի կեսերից, Հայաստանում սկսված բազմաթիվ կռիվների, զաչնակցականների փետրվարյան ավանտյուրայի կապակցությամբ, համալսարանը ժամանակավորապես փակվում է։ Չնայած այսինքն

2-ին զաչնակ ավանտյուրիստները դուրս են շարավում Երևանից, բայց մինչև հոկտեմբեր ամիսը համալսարանը հնարավորություն չի ունենում վերսկսելու իր աշխատանքները՝ շենքը ռազմական հիվանդանոցի վերածվելու պատճառով։

1921 թվականի հոկտեմբերին Ժողովրդական որոշմամբ վերաբացվում է Համալսարանը արդեն ոչ թե երկու, այլ հինգ ֆակուլտետներով՝ Բնագիտական, որը շուտով վեր է ածվում գյուղատնտեսական ֆակուլտետի, նրա գեկան է նշանակվում հայ առաջին ագրոքիմիկոս՝ Դիմիտրի Պոլոզովից մեկը՝ Պապա Բեջանի Բալանթյանը, Տեխնիկական (գեկանն էր ինժեներ Դավիթ Գևորգի Հակոբջանյանը), Արհեստագիտական, որը շուտով վեր է ածվում պատմագրական ֆակուլտետի (գեկավարում էր ակադեմիկոս պատմաբան Հակոբ Համազասպի Մանանդյանը), Խորհրդային շինարարության (գեկանն էր նշանակվում զրականագետ Յուլի Խանդադյանը), Մանկավարժական (գեկանն էր Գուրգեն Մեսրոպի Էդիսյանը)։

1922 թվականի մարտի 15-ից բժշկական դպրոցը միացվում է համալսարանին և բացվում է նաև բժշկական ֆակուլտետ, որի գեկան է նշանակվում բժիշկ Սպանդարյան Կամսարականը։

Համալսարանի կառուցվածքը այն ժամանակից է վեր շատ փոփոխություններ է կրել։

Համալսարանի համար խոշոր նշանակություն է ունենում Հայկական ՍՍԽ Ժողովրդական 1923 թվականի հոկտեմբերի 20-ի որոշումը՝ Երևանի ժողովրդական համալսարանը «Պետական համալսարան» վերանվանելու մասին։ Այդ որոշումը սոսկ անվանափոխություն չէր, դրանով Ժողովրդական համալսարանը դասեց Միության մյուս համալսարանների շարքը, որով մեծացան նաև համալսարանի պարտականությունները։

Մինչև 1930 թվականը համալսարանն ուներ հետևյալ 5 ֆակուլտետները (մինչև այդ երեւոյանքին փոփոխությունների վրա կանգ չենք տանում)։ գյուղատնտեսական, տեխնիկական, բժշկական, սոցիալ-տնտեսագիտական-իրավական (կամ իրավաւտնտեսագիտական) և մանկավարժական (պատմագրական, ֆիզիկա-մաթեմատիկական և կենսաբանական բաժիններով)։

1930 թվականին համալսարանի մի քանի ֆակուլտետների բազայի վրա ստեղծվեցին ինդուստրիալ ինստիտուտները։ Այսպես՝ բժշկական ֆակուլտետի բազայի վրա ստեղծվեց Բժշկական ինստիտուտը, տեխնիկական ֆակուլտետի բազայի վրա հիմնադրվեց Պոլիտեխնիկական ինստիտուտը, գյուղատնտեսական ֆակուլտետը վե-

¹ Տե՛ս «ՍՍԽ Խորհուրդների 4-րդ համագումար», 1929, էջ 192։

բաժվեց Գյուլստանտեական ինստիտուտի, սոցիալ-անտեսագիտական-իրավական ֆակուլտետի փոխարեն կազմակերպվեց Կոոպերատիվ-անտեսագիտական ինստիտուտը: Բուն Համալսարանը վերաժվեց մանկավարժական ինստիտուտի:

Ժողովրդական տնտեսության կոնկրետ պահանջները հաշվի առնելով, 1933 թվականի աշնանը միացվեցին Մանկավարժական և Կոոպերատիվ-տնտեսագիտական ինստիտուտները և վերանվանվեց Պետական համալսարանը (սեկտոր նշանակվեց Տիգրան Մուշեղյանը) հետևյալ չինգ ֆակուլտետներով. տնտեսագիտական՝ պատնային, ֆինանսական, առևտրի, աշխարհագրական, սովետական շինարարության և վիճակագրական բաժիններով: Պատմա-լեզվադրական՝ պատմական, գրական, լեզվաբանական բաժիններով, Բնապատմական՝ կենսաբանական և քիմիական բաժիններով: Ֆիզիկա-մաթեմատիկական՝ ֆիզիկական և մաթեմատիկական բաժիններով: Մանկավարժական՝ ժողովրդական լուսավորության, մանկավարժության, ռուս գրադոնության բաժիններով:

1934 թվականին տնտեսագիտական ֆակուլտետի բազայի վրա կազմվում են Երկու ֆակուլտետ՝ Երկրաբանա-աշխարհագրական և սովետական շինարարության, իսկ բնապատմական ֆակուլտետի բազայի վրա ստեղծվում են կենսաբանական և քիմիական ֆակուլտետները:

Նույն թվականին մանկավարժական ֆակուլտետը անջատվում է համալսարանից և վեր է ածվում ինքնուրույն Մանկավարժական ինստիտուտի, որը մինչև այժմ էլ գոյություն ունի որպես ի. Արմյանի անվան հայկական Մանկավարժական ինստիտուտ:

1935 թվականին սովետական շինարարության ֆակուլտետը վերանվանվեց Իրավաբանական ֆակուլտետ: 1936 թվականին պատմա-լեզվադրական ֆակուլտետի բազայի վրա ստեղծվեցին պատմության և ֆիլոլոգիական ֆակուլտետները:

1944 թվականին Երկրաբանա-աշխարհագրական ֆակուլտետը բաժանվում է Երկրաբանական և աշխարհագրական ֆակուլտետների, իսկ 1945 թվականին բացվում է նոր՝ Միջազգային հարաբերությունների ֆակուլտետը, որը գոյություն է ունենում մինչև 1952 թվականը: 1957 թվականի օգոստոսին Հայկական ՍՍՌ Միեմստրների Սովետի և ՍՍՌԲ Բարձրագույն կրթության մինիստրության որոշման հիման վրա Երևանի Ա. Վ. ժողովրդի անվան ռուսական մանկավարժական ինստիտուտը միացվում է համալսարանին: Բոլոր փոփոխություններից հետո համալսարանն այժմ ունի հետևյալ 11 ֆակուլտետները իրենց բա-

ժիններով. 56 ամբիոններով ու մասնագիտացումներով:

1. Ֆիզիկա-մաթեմատիկական ֆակուլտետ, ունի մաթեմատիկայի, մեխանիկայի և ֆիզիկայի բաժիններ՝ 11 տարբեր մասնագիտացումներով: Ֆակուլտետը ունի 12 ամբիոն, աստղաֆիզիկայի, մաթեմատիկական անալիզի և ֆունկցիոնների տեսության, բարձրագույն մաթեմատիկայի, Երկրաչափության և հանրահաշվի, դիֆերենցիալ հավասարումների, տեսական մեխանիկայի, ընդհանուր ֆիզիկայի, տեսական ֆիզիկայի, էլեկտրոնիկայի և ռադիոֆիզիկայի:

1957 թվականին կազմակերպվել են հաշվողական մաթեմատիկայի, նյութի կառույցի առաձգականության և պլաստիկության տեսության ամբիոնները:

2. Քիմիական ֆակուլտետ՝ հետևյալ 4 մասնագիտացումներով և ամբիոններով՝ օրգանական քիմիայի, անօրգանական քիմիայի, անալիտիկ քիմիայի, ֆիզիկական և կոլոիդալ քիմիայի:

3. Երկրաբանական ֆակուլտետն ունի հետևյալ 4 ամբիոնները՝ ընդհանուր և կիրառական Երկրաբանության, պատմական երկրաբանության և ապրենոլոգիայի, միներոլոգիայի ու պետրոգրաֆիայի և օգտակար հանածոների հանքավայրերի որոնման և հետախուզման:

Այս ֆակուլտետում ուսանողները մասնագիտանում են օգտակար հանածոների վայրերի երկրաբանության ու հետախուզության և երկրաբանական բարոնգահանման ու օգտակար հանածոների հանքավայրերի որոնման գծով:

4. Աշխարհագրական ֆակուլտետն ունի 2 մասնագիտացում և 2 ամբիոն՝ տնտեսական և ֆիզիկական աշխարհագրության:

5. Կենսաբանական ֆակուլտետն ունի 6 ամբիոն՝ դարվինիզմի և գենետիկայի, բուսաբանության, բույսերի անատոմիայի և ֆիզիոլոգիայի, ագրոքիմիայի և հողագիտության, կենդանաբանության, մարդու և կենդանների ֆիզիոլոգիայի:

6. Պատմության ֆակուլտետն ունի 3 մասնագիտացում և 3 ամբիոն՝ հայ ժողովրդի պատմության, ՍՍՌԿ պատմության, ընդհանուր պատմության:

7. Տնտեսագիտական ֆակուլտետն ունի 4 ամբիոն և 4 մասնագիտացում. ժողովրդական տնտեսության պլանավորման և ճյուղային էկոնոմիկայի, ֆինանսների և վարկի, առևտրի էկոնոմիկայի և ապրանքագիտության, վիճակագրության:

8. Իրավաբանական ֆակուլտետն ունի 3 ամբիոն՝ իրավունքի տեսության ու պատմու-

թյան, քրեական իրավունքի, քաղաքացիական իրավունքի:

9. Հայկական ֆիլոլոգիական ֆակուլտետն ունի 2 բաժին և 5 ամբիոն՝ հայոց լեզվի, հայ գրականության, բնագիտության լեզվաբանության, արտասահմանյան գրականության, արևելյան ֆիլոլոգիայի, Այստեղ ուսանողները մասնագիտանում են հայոց լեզվի, հայ գրականության և արևելյան ֆիլոլոգիայի գծով:

10. Ռուսական ֆիլոլոգիական ֆակուլտետն ունի 2 ամբիոն՝ ռուսաց լեզվի տեսության ու պատմության և ռուս գրականության, Այդ գծով էլ տարվում են մասնագիտացումները:

11. Օտար լեզուների ֆակուլտետն ունի 4 ամբիոն՝ անգլերեն լեզվի, գերմաներեն լեզվի, ֆրանսերեն լեզվի և ռոմանո-գերմանական ֆիլոլոգիայի:

Բացի ֆակուլտետների կազմի մեջ մտնող ամբիոններից, կան նաև համահամալսարանական ամբիոններ, որոնց առարկաները ավանդվում են բոլոր, կամ համարյա բոլոր ֆակուլտետների համապատասխան կուրսերում: Այդպիսի ամբիոններից են՝ ՄԱԿՊ պատմության, քաղաքատնտեսության, փիլիսոփայության, ռուսաց լեզվի, մանկավարժության և հոգեբանության, ֆիզիկական դաստիարակության ամբիոնները:

Պարտիայի պատմության, քաղաքատնտեսության և փիլիսոփայության ամբիոնները մեծ աշխատանք են կատարում ինչպես ուսանողների մարքս-լենինյան դաստիարակության, նրանց ախարհայեցողի ձևավորման ուղղությամբ, այնպես էլ գիտական-հետազոտական աշխատանքի գծով:

Այսպիսով իր գոյության մոտ չորս տասնամյակի ընթացքում Երևանի Պետական համալսարանը, որն սկզբնապես ուներ միայն երկու ֆակուլտետ, աճել և դարձել է մի խոշոր բարձրագույն ուսումնական հաստատություն՝ ժամանակակից գիտության և ռեսպուբլիկայի ժողովրդական տնտեսության պահանջներին համապատասխան մասնագիտացումներով հանդերձ:

* * *

Հայաստանում համալսարանական կրթության հիմնադրման, ընդլայնման և զարգացման գործում խոշոր ավանդ է ներմուծել առաջավոր հայ մտավորականության այն մասը, որը երկրում սովետական կարգերի հաստատման առաջին իսկ օրից իր ուժերը նվիրաբերեց հարազատ ժողովրդի կրթության գործին:

Համալսարանի հիմնադրման ժամանակ և նրա գործունեության առաջին շրջանում ամենա-

լուրջ դժվարությունը համալսարանի համապատասխան դասախոսական կազմով ապահովելն էր:

1920 թվականի դեկտեմբերի 28-ին Հայաստանի Լուսժողովմատը հաստատեց Երևանի ժողովրդական համալսարանի ժամանակավոր կանոնադրությունը, հաստիքները և դասախոսական կազմը: Համալսարանին տրվեց 20 պրոֆեսորի, 30 դասախոսի և 7 լեզուների դասառուների հաստիք:

Համապատասխան կադրերի պակասի պատճառով Լուսժողովմատը կարողացավ հաստատել միայն 23 հոգու: Հասարակագիտական ֆակուլտետի դասախոսներ հաստատվեցին՝ Մանուկ Աբեղյանը, Արսեն Տերտերյանը, Գրիգոր Ղափանցյանը, Հակոբ Մանանդյանը, Գուրգեն Էդիլյանը, Գրիգոր Չուբարյանը (իրավաբան, այժմ համալսարանի դոցենտ), Գրիգոր Մելիք-Ալավերդյանը (ԳԱ Տնտեսագիտության ինստիտուտի աշխատակից, այժմ թոշակառու), բնագիտական ֆակուլտետի դասախոսներ նշանակվեցին Ալեքսանդր Հակոբյանը (այժմ Հայկ. ՄԱԿ ԳԱ ակադեմիկոս), Ավ. Տեր-Պողոսյանը, Ստեփան Ղամբարյանը (բժիշկոս), ակադեմիկոս Ջարտաբապետ-պատմաբան Թորոս Թորամանյանը, Գուրգեն Գուրգենյանը (ինժեներ) և ուրիշներ:

Նոր ֆակուլտետների բացման առնչությամբ ավելի սուր է զգացվում դասախոսական կադրերի պակասը: Համալսարանի ղեկավարությունը և Լուսժողովմատը զբաղվում են Մոսկվայից, Բարվից, Բրիլիսիից և այլ վայրերից նոր դասախոսներ հրավիրելու գործով: 1921—1926 թվականների ընթացքում հրավիրվում են համալսարանի այն հիմնական ուժերը, որոնք իրենց ուսերի վրա տարան համալսարանական կրթությունը կապմակերպելու ամբողջ ծանրությունը: Նրանց պատրաստած կադրերը հետագայում աշխատանքի անցան համալսարանում:

1921 թվականի ընթացքում համալսարանում աշխատանքի անցան Հայկ Աղաալյանը, Հարություն Անժուրը (Չեքոսլավիայի), Հովհ. Նափակաթիկյանը, Արշակ Տոնյանը, Գևորգ Ասատուրը, Պապա Քալանթարյանը, Աշխարհբեկ Քալանթարը:

1922 թվականին հրավիրվում են Հակոբ Հովհաննիսյանը, Բժ. Վահան Արծրունին, Բժ. Արշակ Հակոբյանը (այժմ բժշկական ինստիտուտի պրոֆեսոր), Գևորգ Գրձելյանը (այժմ Գյուլիստնտեսության միջնադպրության գիտության պրոպագանդայի վարչության աշխատակից):

¹ «Դեկրետների և հրամանների ժողովածու» պրակ 1, 1921, էջմիաժին, էջ 34—35:

1922 թվականի փետրվարից մինչև 1930 թվականի հուլիս ամիսը համալսարանի ռեկտորն էր քիմիկոս Հակոբ Հովհաննիսյանը։ 1923 թվականին հրավիրվում են Հրաչյա Աճառյանը, ակադեմիկոս Ալեքսանդր Թամանյանը, Հայկ Գյուլիբեկյանը, բժ. Գրիգոր Մեղնիկյանը, Հովակիմ Բեդելյանը, բժ. Համբարձում Զեչեկը, Հայրապետ Հովհաննիսյանը, խորեն ծրիցյանը, 1924 թվականից համալսարանում աշխատանքի անցան Լեոն (Առաքել Բաբայանյանը), Ստեփան Ներսիսյանը, Միքայել Թումանյանը, Ստեփան Լիսիցյանը, բժ. Լևոն Հովհաննիսյանը, Հայկանդուխտ Չախմախչյանը, Սիմոն Հակոբյանը, Համալսարանում սկսում են աշխատել նաև Տիգրան Մուշեղյանը, Վահան Ռշտունին, բժ. Արտաշես Մելիք-Աղամյանը (1925 թվականից), Տիգրան Զրբաշյանը, Աշոտ Տեր-Մկրտչյանը, Մուշեղ Սանթրոսյանը (1926 թ.) և ուրիշները։ Հիմնադրման օրից մինչև բժշկական ֆակուլտետի անջատումը և ինքնուրույն ինստիտուտի կազմակերպումը համալսարանում որպես դասախոս և տնտեսական գծով պրոֆեսոր մեծ գործ է կատարել բժիշկ Գրիգոր Արեշյանը։

1925 թվականից սկսած համալսարանը տալիս է իր շրջանավարտները, որոնցից լավագույնները, որպես լաբորանտներ, ասիստենտներ և դասախոսներ աշխատանքի են անցնում համալսարանում։

Դասախոսական կադրերի գիտական աճի գործում հսկայական նշանակություն ունեցավ գիտական աստիճանների և կոչումների սահմանման մասին ՍՍՌԿ Մինիստրների Սովետի 1934 թվականի հունվարի 13-ի որոշումը (որը որոշ փոփոխությունների ենթարկվեց 1937 թվականի մարտի 20-ի որոշմամբ և գործում է մինչև այսօր)։

Երևանի համալսարանում թեկնածուական դիսերտացիաներ սկսել են պաշտպանվել 1938 թվականից։ Հենց այդ թվականին թեկնածուական դիսերտացիաներ են պաշտպանել Մամիկոն Դանդաշյանը (այժմ բժ. ֆակուլտետի դեկան, դոկտոր-պրոֆեսոր), Վերգինե Թառայանը (այժմ դոկտոր-պրոֆեսոր, Հայկական ՍՍՌ ԳԱ թղթագիտության անդամ) և ուրիշներ։

Մինչև այժմ Երևանի համալսարանում պաշտպանվել են 395 թեկնածուական դիսերտացիա։

Դրանցից 171-ը այժմ էլ աշխատում են մեր համալսարանում։

Համալսարանում դոկտորական դիսերտացիաներ սկսել են պաշտպանվել 1943 թվականից, մինչև այժմ համալսարանում պաշտպանվել է 22 դոկտորական դիսերտացիա, որոնցից 6-ը բժշկական գիտությունների, 9-ը ֆիզիո-

դիական գիտությունների, 6-ը պատմական գիտությունների և 1-ը կենսաբանական գիտությունների գծով։ Իրենց դոկտորական դիսերտացիաները Երևանի համալսարանում են պաշտպանել Աշոտ Արարահամյանը (1943 թվականին, պրոֆեսոր), Առմեն Թախթաշյանը (1943 թ., Հայկական ՍՍՌ ԳԱ թղթագիտության անդամ), Էդուարդ Աղայանը (1945 թ., Հայկական ՍՍՌ ԳԱ թղթագիտության անդամ, լեզվաբանության մեթոդների վարիչ), Ռուսեթ Հովհաննիսյանը (1947 թ. պրոֆեսոր, ռուս գրականության մեթոդների վարիչ), Գուրգեն Սևակը (1948 թ., Հայկական ՍՍՌ ԳԱ թղթագիտության անդամ, պրոֆեսոր, հայոց լեզվի մեթոդների վարիչ), Տիրան Ղազանչյանը (1949 թ. պրոֆեսոր, անօրգանական քիմիայի մեթոդների վարիչ) և ուրիշները։

Հատկանշական է, որ այժմ համալսարանի պրոֆեսորա-դասախոսական կազմի մեջ մեծ տեղ ունեն կազմում մեր համալսարանի սաները, որոնք սովորել են, աճել, գիտական աստիճան և կոչում են ստացել համալսարանում։

1927 թվականին համալսարանի 166 աշխատողներից միայն 16-ն էին համալսարանի շրջանավարտներ (այն էլ միայն ասիստենտներ և լաբորանտներ), 1940 թվականին 240 պրոֆեսորներից ու դասախոսներից 110-ն էին համալսարանի սաներ, իսկ այժմ համալսարանում աշխատող 408 դասախոսներից 253-ը համալսարանի շրջանավարտներ են, որոնցից 25-ը գիտության դոկտորներ են (ընդամենը 48 հոգի), 153 գիտության թեկնածուներ (ընդամենը 213 հոգի)։

Դասախոսական և գիտական կադրերի պատրաստման գործում հսկայական գեր է կատարել համալսարանի ասպիրանտուրան, որը հիմնադրվել է 1928 թվականին։

1928-1929 ուսումնական տարում ընդունվում են առաջին 7 ասպիրանտները։

Համալսարանի առաջին ասպիրանտները եղել են Արդար Հովհաննիսյանը (ընդհանուր պատմության գծով, այժմ համալսարանի պրոֆեսոր, Հայկական ՍՍՌ Գիտությունների ակադեմիայի ակադեմիկոս, հասարակագիտական բաժանմունքի ակադեմիկոս-բարոյագետ), Արարատ Ղազարյանը (լեզվի պատմության գծով, Հայկական ՍՍՌ Գիտությունների ակադեմիայի թղթագիտության անդամ, ԳԱ Լեզվի ինստիտուտի դիրեկտոր), Հովհաննես Չալոխյանը (քիմիայի գծով, համալսարանի պրոֆեսոր, ֆիզ. քիմիայի մեթոդների վարիչ), Վարդան Գուլբանյանը (մասնավոր երկրագործության գծով, Հայկական ՍՍՌ Գիտությունների ակադեմիայի ակադեմիկոս), Հարություն Փանոսյանը (գյուղատնտեսական բակտերիոլոգիայի գծով, Հայկական ՍՍՌ Գի-

տությունների ակադեմիայի թղթակից-անդամ, միկրոբիոլոգիայի սեկտորի վարիչ), Նորայր Գարազյանը (ընդհանուր գրականության գծով, պրոֆեսոր, վախճանվել է 1954 թ.):

26 տարիների ընթացքում համալսարանի սոս-պիրանտուրան ավարտել են 464 հոգի, որոնք աշխատում են ինչպես համալսարանում, այն-պես էլ Հայաստանի և Միության տարբեր վայրերի ուսումնական և գիտական հաստատու-թյուններում:

Այժմ համալսարանում դասավանդում են 16 ակադեմիկոսներ և թղթակից-անդամներ, 48

գիտության դոկտորներ և պրոֆեսորներ, 213 գիտության թեկնածուներ ու դոցենտներ: Դասախոսական կազմից 93-ը կանայք են: Համալսարանում դասախոսում և ղեկավարում է աստ-րոֆիզիկայի ամբիոնը անվանի գիտնական, Հայկական ՍՍՌ Գիտությունների ակադեմիայի պրեզիդենտ, ակադեմիկոս Վիկտոր Համբար-ձումյանը:

Դասախոսական կազմի աճի և նրա որակա-վորման բարձրացման մասին պատկերացում կարելի է կազմել հետևյալ աղյուսակից.

№	Ուսումնական տարի	Դասախոս-ների ընդ-հանուր թիվը	Ուրից		
			ՍՍՌ-ի և Հայկ. ՍՍՌ Գիտ. ակադեմիաների ակադե-միկոսներ և թղթակից անդամներ	Գիտության դոկտորներ և պրոֆե-սորներ	Գիտ. թյան թեկնածու-ներ և դոցենտներ
1	1920—21/22	32	—	—	—
2	1940/41	240	1	19	53
3	1958/59	408	16	48	213

Պետական համալսարանը մեր ուսպուրի-կայի ամենամեծ ուսումնական հաստատու-թյունը լինելով հանդերձ, Ակադեմիայից հետո Սովետական Հայաստանի ամենախոշոր գիտա-կան հիմնարկն է: Համալսարանի դասախոսնե-րի գործունեության մեջ, նրա հիմնադրման առաջին օրվանից մինչև այժմ լուրջ տեղ է գրա-վում գիտա-հետազոտական աշխատանքը:

Համալսարանը ուսումնա-գիտական հիմ-նարկություն է: Այստեղ նշանակալից աշխա-տանք է կատարվել և այժմ էլ կատարվում է հայագիտության բնագավառում: Հիմնադրման օրվանից համալսարանում աշխատել է համալ-սարանի առաջին ուսկուր, խոշոր հայագետ, ակադեմիկոս Հակոբ Մանանդյանը, որն այս-տեղ կատարած աշխատանքի տարիներին է գրել իր մի շարք կարևոր ուսումնասիրությունները՝ սփրված Հայաստանի սոցիալ-տնտեսական պատմությանը, որոնք հսկայական նշանակու-թյուն ունեն հայագիտության համար:

Նրա «Քննական տեսություն հայ ժողովրդի պատմության» եռահատոր աշխատությունը ստեղծվել է անվանի պատմաբանի 1920—1930 թվականներին Երևանի համալսարանում կար-դացած դասախոսությունների հիման վրա, որ-տեղ գիտնականը օղբյուրների մանրակրկիտ, խորն ու բազմակողմանի ուսումնասիրությամբ նոր լուսարանում է տալիս հայ ժողովրդի պատ-մության մի շարք կարևորագույն պրոբլեմնե-րին:

Մինչև 1929 թվականը Երևանի համալսարա-նում է աշխատել նշանավոր պատմաբան պրո-ֆեսոր Լևոն (Առաքել Բարախանյանը, 1860—1932): Լևոն իր ամբողջ կյանքը նվիրելով հայոց պատմության ուսումնասիրությանը, համալ-սարանում աշխատած տարիներին գրադրվել է այդ պատմության նորագույն շրջանի հարցե-րով: Համալսարանը երկու հատորով (ապակե-տիպ) հրատարակել է Հայաստանի XVIII—XIX դարերի պատմությանը նվիրված նրա դասա-խոսությունների կոնսպեկտները: 1946—1947 թվականներին Հայկական ՍՍՌ ԳԱ հրատարա-կությամբ լույս տեսան Լևոնի «Հայոց պատմու-թյուն» աշխատության 2-րդ և 3-րդ հատորները՝ 120 տպագրական մամուլ ծավալով:

Հայաստանի նյութական կուլտուրայի պատ-մության ուսումնասիրության բնագավառում լուրջ աշխատանք են կատարել պրոֆ. պրոֆ. Աշ-խարհբեկ Քալանթարը և Խաչիկ Սամվելյանը: Վերջինս իր «Հին Հայաստանի կուլտուրան» եռահատոր աշխատության մեջ նյութական ար-ժեքների հիման վրա պարզաբանում է Հայաս-տանի կուլտուրայի պատմությանը վերաբերող մի շարք խնդիրներ: Հայաստանի ֆեոդալական շրջ-ջանի պատմությանը նվիրված մի շարք աշխա-տություններ է գրել Հակոբ Զորյանը, որոնց մի մասը տպագրվել է համալսարանի «Տեղեկա-գրում»:

1925 թվականից մինչև այժմ համալսարա-նում լեզմնավոր գիտական աշխատանք է կա-

տարում պրոֆեսոր Վահան Ռշտունին՝ նրա ղրքը-
չին են պատկանում «Գյուղացիական ռեֆորմ-
ները Հայաստանում 1870 թվականին», «Հայ
հասարակական հոսանքների պատմությունը»,
«Հայ հասարակական հոսանքները և 1860—10
թվականների ռեֆորմը» և մի շարք ուրիշ աշ-
խատություններ:

Այժմ հայ ժողովրդի պատմության ամբիոնի
անդամները զբաղված են հայ ժողովրդի պատ-
մության բուհական դասագրքի պատրաստ-
ման խնդրով, որի երկու պրակները արդեն հրա-
տարակվել են:

Համալսարանի հիմնադրման ժամանակա-
շրջանից սկսած գիտական և հետազոտական
լուրջ աշխատանք է տարվել հայագիտության
այնպիսի կարևոր բնագավառներում, ինչպիսիք
են հայոց լեզուն և հայ գրականության պատ-
մությունը:

1923 թվականից մինչև իր կյանքի վերջը,
1953 թվականի ապրիլի 16-ը, Երևանի համալ-
սարանում է աշխատել աշխարհահռչակ գիտնա-
կան, պրոֆեսոր Հրաչյա Աճառյանը, որի «Հա-
յոց լեզվի պատմություն», 7 հատորյա «Հայերեն
արձատական բառարան», 562 լեզուների հա-
մեմատության վրա հիմնված «Լիակատար քե-
րականություն», «Հայոց անձնանունների բառա-
շար» մոնոգրաֆիայի աշխատությունները և սաղ-
մաթիվ այլ ուսումնասիրությունները դուրս են
գալիս սոսկ հայագիտության շրջանակներից և
մեծ ավանդ են համաշխարհային լեզվաբանա-
կան գիտության դանձարանում:

Անվանի բանասեր, լեզվաբան պրոֆեսոր
Մանուկ Աբեղյանը (1865—1944), որը 1920
թվականի ղեկավարելիք՝ հիմնադրման օրվա-
նից աշխատել է Երևանի համալսարանում, իրա-
վամբ համարվում է հայ հին գրականության
խոշորագույն գիտակր: Պրոֆեսոր Մանուկ Աբեղ-
յանը հսկայական աշխատանք է կատարել հայ
ժողովրդական բանահյուսության, առանձնա-
պես՝ «Սասունցի Դավիթ» էպոսի ուսումնասի-
րության բնագավառում: Համալսարանում աշ-
խատելու ընթացքում նա ստեղծել է իր «Հայ
հին գրականության պատմություն» կապիտալ
աշխատությունը: Համալսարանի գիտական «Տե-
ղեկագրի» 2—3, 4 և 6 համարներում (1927,
1928 և 1930) տպագրվել է նրա «Հին գուտա-
նական ժողովրդական երգեր» ուսումնասիրու-
թյունը: Գիտության վաստակավոր գործիչը ալե-
լի քան 590 մամուլ կազմող իր աշխատություն-
ներում լուսարանել է հայոց լեզվին և հայ գրա-
կանությանը վերաբերող բազմաթիվ հարցեր:

Համալսարանի առաջին դասախոսներից
մեկը Եղսի պրոֆ. Արսեն Տերտերյանը՝ նա հան-
դիսացավ համալսարանի հայ գրականության

ամբիոնի հիմնադիրը, որի անփոփոխ ղեկավարը
մնաց մինչև իր կյանքի վերջը: Նա հեղինակ է
բազմաթիվ արժեքավոր մենագրական աշխա-
տությունների («Սասունցի Դավիթ» հազարամ-
յակը», «Նալբանդյանի էսթետիկան», «Պուշկինը
հայ գրականության մեջ» (1939), «Արժեքների
ստեղծագործությունը» (1941), «Հակոբ Պարոն-
յանի գեղագիտական հայացքները», «Հայ հայրի-
նասեր գրողները», «Հայ կուսիկներ» և այլն):
Իր կյանքի վերջին տարիներին նա զբաղված էր
հայ և ռուս առաջավոր գրականության տրագի-
ցիաների ուսումնասիրությամբ, որի արդյունքը
եղավ նրա «Լ. Գ. Բելինսկի» գիրքը և մի շարք
ուրիշ աշխատություններ:

Համալսարանի հիմնադրման օրվանից մինչև
իր կյանքի վերջը Երևանի համալսարանում,
մանկավարժական աշխատանքի հետ միա-
սին, գիտական մեծ աշխատանք է կատարել
հայտնի լեզվաբան Գրիգոր Ղափանցյանը
(1888—1957): Միաժամանակ նա հայտնի է
խաղաղագիտական և խեղճագիտական իր արժե-
քավոր ուսումնասիրություններով, որոնցից
ամենախոշորը՝ «Ուրարտուի պատմությունը»,
հրատարակել է Երևանի համալսարանը գիտա-
կան աշխատությունների 14-րդ հատորում և
առանձին գրքով (1940):

Այժմ հայագիտության այդ բնագավառում
լուրջ ուսումնասիրություններ են կատարում
համալսարանի հայ գրականության ամբիոնը
(վարիշ Հայկական ՍՍՌ ԳԱ թղթակից-անդամ,
դոկտոր-պրոֆեսոր Մկրտիչ Մկրչյան), հայոց
լեզվի (վարիշ Հայկական ՍՍՌ ԳԱ թղթակից-
անդամ Գուրգեն Սեակ) և լեզվաբանության
(վարիշ պրոֆեսոր Է. Աղայան) ամբիոնները:

Համալսարանում գիտա-հետազոտական լուրջ
աշխատանքներ են կատարվել և կատարվում
են բնական գիտությունների՝ մաթեմատիկայի,
ֆիզիկայի, քիմիայի, երկրաբանության, կենսա-
բանության գծով:

Համալսարանի հիմնադրման ժամանակվա-
նից սկսած ֆիզիկայի և մաթեմատիկայի բնա-
գավառում կարևոր աշխատանք են կատարել
Ալեքսանդր Հակոբյանը, Հովհաննես Նավակա-
տիկյանը, Արշակ Տոնյանը, Հարություն Ան-
ժուրը, Աշոտ Տեր-Մկրտչյանը և ուրիշները:
Մրանք մեծ ջանք են դրել գիտական տերմինո-
լոգիա մշակելու, դասագրքեր թարգմանելու,
ինքնուրույն դասագրքեր-ձեռնարկներ ստեղծելու
ուղղությամբ: Համալսարանը հրատարակել է
Հ. Նավակատիկյանի բարձրագույն հանրահաշվի
և վերլուծական երկրաչափության ձեռնարկները,
Ալ. Հակոբյանի տեսական մեխանիկայի դաս-
ընթացը, ֆիզիկայի ձեռնարկը և ուրիշ աշխա-
տություններ:

Մաթեմատիկական գիտությունների բնագավառում խոշոր աշխատանք են կատարել համալսարանի ֆիզիկա-մաթեմատիկական ֆակուլտետի ուսները: Համալսարանի մանկավարժական ֆակուլտետի ֆիզիկա-մաթեմատիկական բաժնի 1930 թվականի շրջանավարտ, Արտ. Շահինյանը մեծ վաստակ ունի երիտասարդ կադրեր պատրաստելու գործում: Նա Հայկական ՍՍՌ ԳԱ Մաթեմատիկայի և մեխանիկայի ինստիտուտի ղեկավարը լինելով հանդերձ, վարում է նաև համալսարանի մաթեմատիկական անալիզի և ֆունկցիաների տեսության ամբիոնը, որտեղ լուրջ գիտական աշխատանք է կատարվում մոտավորությունների տեսության մի բանի նորագույն հարցերի մշակման ուղղությամբ:

Ֆիզմաթ ֆակուլտետի շնորհալի շրջանավարտներից գիտական աշխատանքի ներդրումելու հետ միասին համալսարանի պրոֆեսոր Հայկական ՍՍՌ ԳԱ ակադեմիկոս, ֆիզիկա-մաթեմատիկական ֆակուլտետի գեկան Մ. Զրբաշյանը գիտական մեծ աշխատանք է կատարում կոմպլեքս տիրույթում ինտեգրալ ձևավորությունների և աշխարհի ֆունկցիաների պարամետրական ներկայացումների բնագավառում: Նա հարցերի լուծման ուղղությամբ, արտեղ նրան հաջողվել է ստանալ ինքնատիպ արդյունքներ:

Համալսարանում գիտական լուրջ աշխատանքներ են կատարում Հայկական ՍՍՌ ԳԱ ակադեմիկոս, համալսարանի ամբիոնի վարիչ պրոֆեսոր Ն. Հարությունյանը (առաջակա-նության և սողքի տեսության բնագավառում), Հայկական ՍՍՌ ԳԱ թղթակից-անդամ, նյութի կառուցի ամբիոնի վարիչ, պրոֆեսոր Ն. Քոչարյանը (կոսմոսիկական ճառագայթների ուսումնասիրության գծով) և ուրիշները:

Բնագիտական ֆակուլտետների դասախոսներից համալսարանի հիմնադրման շրջանում լուրջ գիտական հետազոտություններ են կատարել Պապա Քալանթարյանը (աղբյուրների և միկրոբիոլոգիայի բնագավառում), Ավետիս Տեր-Պրոսպանը (կենսաբանական մարի գործողության պատմություն և բույսերահամ ջրերի ֆաունայի ուսումնասիրության բնագավառում), Հովակիմ Բեդկլանը (բույսերի ֆիզիոլոգիայի գծով), Լեոնեն Երիցյանը (անասնապահության բնագավառում), Միրայել Թումանյանը (գաղտային կուլտուրաների ուսումնասիրության գծով), Բարձր լեռնային խոտհարքների և արոտավայրերի, ինչպես և կերաբույսերին վերաբերող առանձին հարցերի ուսումնասիրությամբ էր զբաղվում պրոֆեսոր Ն. Տրոիցկին: Քիմիայի բնագավառում մեծ վաստակ ունեն պրոֆ. պրոֆ. Ստեփան Ղամբարյանը, Լևոն Ռոտին-

յանը, Հակոբ Հովհաննիսյանը և ուրիշները: Երկրաբանական կադրերի պատրաստման և գիտական աշխատանքի ծավալման ուղղությամբ զգալի դեր են ունեցել Տիգրան Զրբաշյանը և Պետրոս Ղամբարյանը:

Համալսարանում վերջին տարիներս մեծ տեղ է գրավում գիտական խոշոր պրոբլեմների հետազոտությունը՝ նվիրված կարևորագույն թեմաների մշակումը: Այդպիսի կարևոր թեմաներ են հանդիսանում էլեկտրոնային արագահաշիվ: ունիվերսալ մաթեմատիկական մեթոդային նախագծումն ու կառուցումը, լեռնային շրջանների պայմաններում բանջարանոցային կուլտուրաների նոր սորտերի ստացումը, բամբակենու ցեղի դեմ պայքարելու էֆեկտիվ միջոցների գտնելու պրոբլեմը, օքսի-օքսա լակտոնների սինթեզի հետազոտությունը, հալ ժողովրդի պատմության, հալ գրականության պատմության բուհական դասագրքերի կազմումը և այլն:

Կարևոր հետազոտություններ են կատարվում ֆունկցիաների տեսության, մեխանիկայի, երկրաբանության, բանասիրության տարբեր բնագավառներում և այլ գիտությունների գծով:

1957 թ. երկրորդ կեսից համալսարանին կից գործում է «Երկրի արհեստական արբանյակների ներանի վիզուալ-օպտիկական գիտման կայանը», որը համալսարանի գիտա-հետազոտական լաբորատորիաներից մեկն է: Այնտեղ աշխատում են համալսարանի շուրջ 30 դասախոսներ, լաբորանտներ և ֆիզմաթ ֆակուլտետի աստղագիտական բաժնի ուսանողներ (կայանի աշխատանքը ղեկավարում է գոցենտ Բ. Թումանյանը):

Իր գոյության մեկ և կես տարվա ընթացքում կայանում արբանյակների ու նրանց տանող հրթիռների բաղադրվել գիտումներ են կատարվել, որոնց արդյունքները մշակվել և ուղարկվել են Մոսկվա՝ Հաշվողական եկնտրոն:

Կայանի աշխատակիցների կողմից գիտումների կատարելագործման և գիտման նոր մեթոդներ առաջադրելու մասին գիտական հոգվածներ են տպագրվել միասնական աստղագիտական ամսագրերում: Կայանի լավ աշխատանքի համար նրա աշխատակիցները պարգևատրվել են ՍՍՌԳ Գիտությունների ակադեմիայի Աստրոսովետի, Բարձրագույն կրթության մինիստրության, ՀՀԿԵՄ Կենտրոնի պատվոգրերով և թանկարժեք նվերներով: Կայանի 27 դիտողներ պարգևատրվել են «Միջազգային գեոֆիզիկական տարին» կրծքանշանով:

Համալսարանը ուսումնական ու գիտական գծով սերտ կապի մեջ է Առլետական Միության շատ բարձրագույն ուսումնական հաստատությունների հետ, այդ թվում՝ Մոսկվայի, Լենին-

գրադի, Կիևի, Խարկովի, Տարուտի, Բարվի, Թբիլիսիի և այլն:

Սխառմատիկ բնույթ է ստացել Բաբիի և Թբիլիսիի համալսարանների հետ համատեղ գիտական նստաշրջանների հրավիրումը և դասախոսությունների կարճատև դասընթացների կազմակերպումը համար պրոֆեսորների փոխանակությունը:

Համալսարանը կապեր ունի նաև արտասահմանյան մի շարք երկրների և ժողովրդական դեմոկրատիայի համարյա բոլոր երկրների ուսումնական ու գիտական հաստատությունների հետ:

Մեր համալսարանում դասախոսություններ են կարգացել Լենինական ժողովրդական ռեսպուբլիկայից՝ պրոֆեսոր Ի. Բյալեցկին, Չեխոսլովակիայի Կարլովի համալսարանի հայագետ պրոֆեսոր Յա. Նեդելչան և ուրիշներ:

Լուրջ կերպով աճել է Սփյուռքի հայությունը հետադարձությունը գեպի հայրենի համալսարանը, իսկ համալսարանը անընդհատ ծավալում է իր կապերը Սփյուռքի հայության, նրա առաջադեմ կազմակերպությունների հետ:

Համալսարանում գիտահետազոտական աշխատանքների բնագավառում զգալի գործ է կատարել և կատարում է հրատարակչությունը:

Համալսարանի գործունեության հենց առաջին տարիներին արդեն անհրաժեշտություն է զգացվում հրատարակել մի գիտական հանդես, որտեղ հնարավոր լիներ տպագրել գիտական աշխատությունները:

«Հայկական Սոցիալական համալսարանի գիտական տեղեկագրի» առաջին համարը լույս է տեսնում 1925 թվականին, որը նվիրվում է Հայաստանում սովետական կարգերի հաստատման 5-րդ տարեդարձին:

Դեռևս 1921-22 ուսումնական տարում համալսարանը հրատարակում է 7 գիրք: 1925 թվականի նոյեմբերից կազմակերպվում է համալսարանի տպակետի պրոֆեսոր Մինչև 1937 թվականը Պետական համալսարանը ուներ միայն տպակետի պրոֆեսոր 1937 թ. համալսարանի հրատարակչական բաժինը ձևորեն էր բերում սեփական տպարան և ստեղծվում է ինքնուրույն հրատարակչություն, որտեղ տպագրվում են ինչպես ուսումնական ծրագրերն ու դասագրքերը, այնպես էլ համալսարանի դասախոսների գիտական աշխատությունները:

Հրատարակչությունը իր գոյության ընթացքում լույս է ընծայել հարյուրավոր գրքեր, այդ թվում՝ դասագրքեր, մենագրություններ, գիտական աշխատություններ ժողովածուներ և այլն: Տարեցտարի ընդարձակվում են նրա կարողությունները:

Եթե հիմնադրման առաջին տարում հրատարակչությունը տվել է հազիվ մեկ տասնյակ անուն գիրք, ապա հետագայում այդ թիվը զգալիորեն աճել է: Այսպես, 1952 թվականին լույս է տեսել 21 գիրք, 1953 թվականին՝ 33, 1954 թվականին՝ 39, 1955 թվականին՝ 52, 1956 թվականին՝ 37, 1957 թվականին՝ 46, 1958 թվականին՝ 63:

Հրատարակչությունը հիմնականում լույս է ընծայում.

1. Դասագրքեր, ուսումնական ձեռնարկներ, դասախոսություններ, ինչպես նաև զանազան ծրագրեր ու մեթոդական ցուցումներ՝ երեկոյան և հեռակա բաժինների ուսանողների համար:

2. Մենագրություններ և գիտությունների առանձին հարցերին նվիրված ձեռնարկներ:

3. Գիտական աշխատությունների ժողովածուներ: Եթե նախկինում լույս տեսնող «Տեղեկագրի» չորս արանջուր համարում հանդես էին դալիս համալսարանի տարբեր ֆակուլտետների գիտական աշխատողներ, ապա այժմ ամեն մի ֆակուլտետ (հաճախ նաև՝ ամբիոն) ունի թեմատիկ բնույթ կրող իր ժողովածուն, որ լույս է տեսնում պարբերաբար՝ տարին մեկ անգամ: Արդեն հրատարակվել է գիտական աշխատությունների 67 հատոր (չհաշված ուսանողական գիտ. աշխատությունների 8 ժողովածուները):

Հայրենի լույս տեսնող գրքերը (բացի դասագրքերից) հաճախ ունեն ուսերեն, իսկ անհրաժեշտության դեպքում նաև անգլերեն համառոտ ամփոփումներ, որոնք ուսուցիչ և օտարազգի ընթերցողներին հնարավորություն են տալիս որոշ չափով ծանոթանալ գրքի բովանդակությանը:

Համալսարանը 1933 թվականի վերջերից սկսած ունի իր տպագրի բազմատիրաժ թերթը (սկզբնական շրջանում կոչվում էր «Հարվածային ուսանող», ապա «Սովետական ուսանողություն», այժմ «Երևանի համալսարան»), որն օգնում է ռեկտորատին և կազմակերպություններին ուսումնա-դաստիարակչական և գիտահետազոտական աշխատանքների կազմակերպման գործում:

Համալսարանի պրոֆեսորա-դասախոսական կազմին, ուսանողությանը և ասպիրանտներին գրականությանը սպասարկելը իրականացրել և իրականացնում է համալսարանի գիտական գրադարանը:

Գիտական գրադարանը կազմակերպվել է համալսարանի հիմնադրման հետ միաժամանակ՝ 1921 թ., երբ ժողովրդական համալսարանին անցավ ուսուցչական սեմինարիայի ղեկավարին ֆոնդը՝ 34 հազար կոտր գրականություն:

զիտացումների ավելացման հետ միասին աճել է նաև համալսարանի ուսանողության թիվը: Ֆակուլտետների և ուսանողության աճը հետևյալ պատկերն է ներկայացնում.

Ուսումնական տարին	Ֆակուլտետների թիվը	Ուսանողների թիվը
1920/21—22	2	255
1929/30	5	1316
1940/41	8	1461
Այժմ՝ 1958/59	11	4514, որից 3378 ստացիոնար ուս

Համալսարանում սովորողներից տղաներ են 1436-ը՝ աղջիկներ՝ 1952-ը: Ուսանողներից 925-ը բանվորներ ու բանվորների երեխաներ են, 718-ը կոլտնտեսականներ ու կոլտնտեսականների երեխաներ: Համալսարանում սովորում են 177 հայրենադարձ պատանիներ ու աղջիկներ: Ուսանողներից 596-ը այլ ռեսպուբլիկաններից են: Համալսարանում սովորում են 14 ազգերի ներկայացուցիչներ՝ հայեր, ռուսներ, ուկրաինացիներ, բելուսուսներ, վրացիներ, ադրբեջանցիներ, կարելացիներ, բրդեր և այլն:

Եթե նախասովետական շրջանում հայ երիտասարդները, այն էլ միայն ունեորների երեխաները, մեկնում էին ցարական Ռուսաստանի մայրաքաղաքը և արտասահման բարձրագույն գրթություն ստանալու, ապա այժմ արտասահմանից են գալիս Երևանի համալսարանում սովորելու, այժմ Երևանի համալսարանում սովորում են Միացյալ Արաբական ռեսպուբլիկայից, Հիթանանից, Իսրայելից, Իրանից եկած հալպատանիներ ու աղջիկներ: Համալսարանում, ինչպես սովետական բոլոր բարձրագույն դրպրոցներում, ոչ միայն ուսումը ձգի է, այլև առաջադեմ բոլոր ուսանողները պետությունից ստանում են թոշակ:

* * *

Անցած տարիների ընթացքում անհամեմատ աճել է նաև համալսարանի նյութատեխնիկական բազան.

Համալսարանը իր հիմնադրման սկզբնական շրջանում գտնվում էր շատ անբարենպաստ պայմաններում: Չկային լաբորատորիաներ, կարիներներ, արհեստանոցներ, գործնական աշխատանքի համար անհրաժեշտ սարքավորումներ: Չէին բավարարում լսարանները: Բժշկական ֆակուլտետի հիմնադրումը ավելի մեծ դժվարություններ հարուցեց: Անհրաժեշտ էին

անատոմիկում, կլինիկաներ, լաբորատորիաներ և այլն:

Բժշկական ֆակուլտետը հիմնադրող դասախոսներից մեկը՝ Վահան Արծրունին, այսպես է նկարագրում 1922 թվականի մարտին իր առաջին դասախոսությունը՝ համալսարանի բժշկական ֆակուլտետում:

«Համալսարանի բակում գտնվում էր նախկին հիվանդանոցի լվացքատունը՝ մի քանի ցածրիկ սենյակներ, նրանց կից ձախ թևին ախոռն ու կառապանի սենյակը, որի կտրին դրված էր դեզը, իսկ ախոռատան առջև բարձրանում էր ձիերի աղբակույտը՝ ծածկված ձյունով: Լվացքատան սենյակներից մեկը վերածվեց լսարանի, իսկ երկուսը հատկացրին հերձարանի, նրանցից մեկը ծառայում էր և՛ իրրև հերձարան, և՛ իրրև դիականոց, այնպես որ մենք սկսեցինք աշխատել նրանցից: Գարշապատության, մթության և խոնավության մեջ, Դռներն ունեին լայն ձեղքեր, լուսամուտները ջարդված էին, տանիքը երկու տեղից ծակ էր: Որտեղից երևում էր երկինքը: Համալսարանի հին շենքի ստորին հարկում մի աղոտ ու մութ սենյակ կար, մեջը դրված մի քանի աշակերտական թև սեղաններ և մի փոքրիկ գրատախտակ: Այդ սենյակում սկսեցի կարդալ առաջին դասախոսությունս, ուսանողներից մեկը մի նավթի լամպ ձարեց. որի ապակին ջարդված էր ու ծխում էր: Լամպը դնելու սեղան չկար և ուսանողներից մեկը բռնել էր այն իր ձեռքին»:

Կարճ ժամանակից հետո վիճակը փոխվում է: Համալսարանի վարչությունը ոչ միայն հաջողությամբ զբաղվում է համալսարանի դասախոսական կազմը ուժեղացնելու, նոր մասնագետներ հրավիրելու հարցով, այլև Հայաստանի կառավարության, Պարենային ժողկոմատի, Առժողկոմատի և Ժողտնտխորհի օգնությամբ գործնական պարապմունքներ անցկացնելու համար համալսարանին կից հիմնում է Անալիտիկ քիմիայի (1922 թ. նոյեմբեր), Ֆիզիկայի (1922 թ. նոյեմբեր), Ֆիզիոլոգիայի (1922), անատոմիայի (1922), հանրաբանական և այլ աշխատանոցներ, մեխանիկական արհեստանոց և այլն:

Համալսարանի լաբորատորիաների վիճակը որոշ չափով կարգավորվում է, երբ 1922—23 թթ. Հայկական ՍՍԽ Ժողկոմխորհի միջնորդությամբ Անդրժողկոմխորհը ժողովրդական համալսարանը կահավորելու համար բաց է թողնում 25.000 ռ. գումար:

Եթե համալսարանի հիմնադրումից հետո առաջին շրջանում ուսումնական պրոցեսում

1 «Հոկտեմբեր — նոյեմբեր» տարեգիրք, 1932, էջ 434—435:

Հիմնական տեղը պատկանում էր դասախոսություններին, որովհետև գործնական աշխատանքի հնարավորություններ չկային, ապա այդ լաբորատորիաների, կաբինետների ստեղծումը հնարավորություն է տալիս դասախոսություններին զուգընթաց կազմակերպել նաև գործնական աշխատանքներ, սեմինարներ և այլն:

Տարեցտարի մեծանում և լայնանում է համալսարանի նյութա-տեխնիկական բազան, ամեն տարի ավելանում է նրա բյուջեն:

Համալսարանի գործունեության ընդլայնման հետ մեկտեղ կատարվում են նաև շինարարական աշխատանքներ, այսպես օրինակ, Շրջանային (ներկայումս Կիրովի անվան) փողոցի վրա կառուցվում է անատոմիկումի շենքը, որը այժմ գտնվում է Բժշկական ինստիտուտի տրամադրության տակ, Նորրի խճուղու վրա, Գետուտի ափին, Բրաժնիկովի նախկին երկհարկանի տունը վերակառուցվում է բնապատմական թանգարանի և բնագիտական աշխատանքների համար: Փանաբեռի խճուղու տակ կառուցվում է կաթնասնունեական լաբորատորիայի շենք և անասնաբուժական ազարակ (ներկայումս գտնվում է Գյուղատնտեսական ինստիտուտի տրամադրության տակ), Կիրովի փողոցի վրա, Քաղաքավորական բյուջեով կառուցվում են ուսանողական և պրոֆեսորական հանրակացարաններ:

1930 թ. կառուցվում են մի շարք նոր ռե-լեկտներ, այդ թվում համալսարանի ֆիզիկա-բիմիական կորպուսը (Պալիտեխնիկ ինստիտուտի հին շենքը), 1935 թվականին կառուցվում է համալսարանի կենտրոնական շենքի երրորդ հարկը և այլն:

Համալսարանի բյուջեի աճը, կապիտալ ներդրումներն ու շինարարությունը հնարավորություն են ստեղծում համալսարանում ուսումնական և գիտա-հետազոտական աշխատանքների ծավալման համար:

Այժմ համալսարանը ունի մի քանի տասնյակ գիտա-ուսումնական կաբինետներ ու լաբորատորիաներ, որոնք կահավորված են ժամանակակից գիտության ու տեխնիկայի մակարդակին համապատասխան սարքավորումներով, այսպես, համալսարանն ունի ֆիզիկայի, նյութի կառուցյի, էլեկտրոնիկայի և ռադիոֆիզիկայի, տեսական մեխանիկայի, անալիտիկ բիմիայի և բազմաթիվ այլ լաբորատորիաներ:

ՍՍՌՄ Բարձրագույն կրթության մինիստրությունը օգնությամբ համալսարանում այժմ հիմնադրվում է էլեկտրոնային հաշվիչ ու ղեկավարման մեքենաների և պոլիմերների ֆիզիկո-քիմիայի պրոբլեմային լաբորատորիաներ, որտեղ

կտարվեն ուսումնական և գիտա-հետազոտական աշխատանքներ:

Համալսարանի նյութա-տեխնիկական բազան էլ ավելի ընդլայնելու, ուսումնա-գիտական աշխատանքների համար անհրաժեշտ պայմաններ ստեղծելու նպատակով ՍՍՌՄ Մինիստրների Սովետի որոշմամբ 1953 թվականից սկսված է Նրևանի համալսարանի ուսումնական շենքերի կոմպլեքսի շինարարությունը Ե. Չարենցի փողոցի վրա, մոտ 40 միլիոն ռուբլու ընդհանուր ծավալով:

1956 թվականին այդ կոմպլեքսից շահագործման է հանձնվել Կենսաբանական ֆակուլտետի կորպուսը, որը Նոյեմբերյանի սպիտակավուն ֆիզիկոսից կառուցված մի հոյակապ շենք է: Այնտեղ այժմ տեղավորված են Կենսաբանական, քիմիական և երկրաբանական ֆակուլտետները:


Ամբողջ կոմպլեքսի ավարտմամբ համալսարանը կստանա 27.000 քառ. մետր ուսումնական տարածություն. 1959 թվականին կավարտվի կենտրոնական կորպուսի աջ և ձախ թևերի շինարարությունը, որը նախատեսված է բանասիրական և պատմության ֆակուլտետների համար: Առանձին կորպուսներ են կառուցվելու նաև ֆիզիկայի, մեխանիկա-մաթեմատիկական, քիմիական և երկրաբանական ֆակուլտետների համար, որտեղ նախատեսված են ֆունդամենտալ գիտական գրադարան, կաբինետներ և լաբորատորիաներ՝ գիտության ու տեխնիկայի վերջին նվաճումներին համապատասխան սարքավորումներով:

Տեխնիկական բազայի և նյութական հնարավորությունների ընդարձակումը լուրջ կօրոպով կլիթանի համալսարանում ուսումնական ու գիտական աշխատանքների հետագա ծավալմանը:

Սովետական կառավարության հոգատարությունը գրեթե ամբողջ է նաև համալսարանի բյուջեի անշեղ աճի մեջ, որը իր հերթին բնութագրում է համալսարանի աշխատանքների ծավալումը:

Եթե համալսարանի բյուջեն 1923 թ. կազմում էր 49.216 ռուբլի, 1933 թվականին 2.669.000 ռուբլի, իսկ 1940 թ. 8.360.000 ռուբլի, ապա 1958 թվականին համալսարանի բյուջեն կազմում է 31.231.500 ռ., այսինքն մոտ չորս անգամ ավելի, քան 1940 թվականին և մոտ 12 անգամ ավելի, քան 1933 թվականին:

1933 թվականին մեկ ուսանողի վրա կատարված ծախսը կազմում էր 3607 ռուբլի, 1940 թվականին՝ 4866 ռուբլի, իսկ 1958 թվականին՝ 8655 ռուբլի:



Երևանի Պետական համալսարանի ռևուլյուցիոն շենքերի կոմպլեքսը (Ճարտարապետ՝ Է. Ա. Տիգրանյան)։
 1958 թ. շահագործման է հանձնվել Երևանի ֆակուլտետի կոմպլեքսը Այս տարի շահագործման հանձնվել է
 Կենտրոնական կոմպլեքսի աշ. և ձախ թևերը։

Պետությունը ավելի մեծ գումարներ է հատկացրել համալսարանին ետպատերազմյան շրջանում. 1945—1950 թվականների բյուջեով ծախսերի ծավալը 23 տոկոսով գերակշռել է մինչ 1945 թվականի բյուջեների ընդհանուր

գումարը, այսինքն ետպատերազմյան 5 տարվա բյուջեն ավելին է եղել համալսարանի գոյության 25 տարիների բյուջեների գումարից: Այսպիսով համալսարանի բյուջեի աճը ներկայացնում է հետևյալ պատկերը.

Ուսումնական տարի	Բյուջեով հատկացված գումարը (հազ. ուսում)	Ու ռ ի ջ	
		աշխատավարձ	Թոշակ
1920—21/22	Համալսարանը հաստատված բյուջե չի ունեցել	—	—
1922/23	49,216	37,895	50 թոշակառու*
1940/41	8,360,300	4,119,400	2,311,141
1958 թվական	31,231,500	16,714,000	9,795,600
	—	—	2862 թոշակառու

* Հայկական ՍՍՌ ժողովրդների հատուկ ֆոնդից:

Դժվար է գերազանհատել այն դերը, որ կատարել ու կատարում է Պետական համալսարանը մեր ժողովրդական տնտեսության, գիտության ու կուլտուրայի բնագավառների համար բարձրորակ կազմեր պատրաստելու գործում:

Համալսարանը իր գոյության ընթացքում երկրին տվել է 8603 երիտասարդ մասնագետներ, որոնք մեր պետությանը մասնագետներ, որոնք մեր պետությանը մասնագետներ, որոնք մեր պետությանը մասնագետներ, որոնք մեր պետությանը մասնագետներ:

Այս տարի համալսարանը նորից կտա 790 շրջանավարտներ: Համալսարանը պատրաստել է 747 ֆիզիկոսներ և մաթեմատիկոսներ, 667 բժշկիկոսներ, 715 պատմաբաններ, 2059 բանասերներ, 775 իրավաբաններ, 1285 տնտեսագետներ, 689 կենսաբաններ, 447 աշխարհագրագետներ, 613 երկրաբաններ, իր գոյության առաջին տասնամյակի ընթացքում նաև՝ 137 բժշկիկներ, 279 գյուղատնտեսներ, 47 ինժեներ-նարտարագետներ:

Այս թվերը ցույց են տալիս, թե համալսարանի շրջանավարտները ի՞նչ կշիռ ու տեղ ունեն ժողովրդական տնտեսության մեջ:

Համալսարանը ոչ միայն հանդիսացավ ունի արմատը, որից ճյուղավորվեցին մեր պետության ճյուղերը, այլև հիմք ստեղծեց Հայաստանի Գիտությունների ակադեմիայի հիմնադրման համար, և այժմ էլ նա ամեն տարի Գիտությունների ակադեմիայի ինստիտուտները համալրում է նոր գիտական աշխատողներով:

1943 թվականի նոյեմբերի 25-ին Հայաստանի Գիտությունների ակադեմիայի հիմնադրման ժամանակ ընտրված 23 ակադեմիկոսներից 11-ը համալսարանի պրոֆեսորներն էին: Այժմ Հայկական ՍՍՌ Գիտությունների ակադեմիայի 19 հանդես, № 1

միայի 59 ակադեմիկոսներից և թղթակից-անդամներից 21-ը Երևանի համալսարանի շրջանավարտներ են, իսկ 36-ը դասախոսել կամ աշխատել են համալսարանում:

Հայկական ՍՍՌ Գիտությունների ակադեմիայի նախագահության 9 անդամներից 6-ը համալսարանի շրջանավարտներ են (վիշնյարկի Վ. Գ. Ներսիսյանը, ակադեմիկոս-բարոյագետ Զ. Խ. Բունիատյանը, Հասարակական գիտությունների բաժանմունքի ակադեմիկոս-բարոյագետ Ա. Ռ. Հովհաննիսյանը, համալսարանի պետական Գ. Ս. Դավթյանը, Մաթեմատիկայի և մեխանիկայի ինստիտուտի գիրեկտոր Ա. Լ. Շահինյանը, Մաթեմատիկական մեքենաների ինստիտուտի և հաշվողական կենտրոնի գիրեկտոր Ս. Ն. Մերգելյանը): Հայկական ՍՍՌ Գիտությունների ակադեմիայի ինստիտուտների և լաբորատորիաների մեծ մասը ղեկավարում են Երևանի համալսարանի շրջանավարտները:

Մեր համալսարանի գյուղատնտեսական (1926) և բժշկական (1930) ֆակուլտետների շրջանավարտ է անվանի ֆիզիոլոգ, ՍՍՌ Գիտությունների ակադեմիայի թղթակից-անդամ, Հայկական ՍՍՌ ԳԱ ակադեմիկոս Էդրաս Հասարանյանը:

Երևանի համալսարանի շրջանավարտ է Հայկական ՍՍՌ ԳԱ Մաթեմատիկայի և մեխանիկայի ինստիտուտի գիրեկտոր, համալսարանի պրոֆեսոր, անվանի մաթեմատիկոս Արտաշես Շահինյանը, որի ղեկավարած ինստիտուտի 43 գիտական աշխատակիցներից 26-ը նույնպես մեր համալսարանի շրջանավարտներ են:

Երևանի համալսարանի արժանավոր սան, ՍՍՌ ԳԱ թղթակից-անդամ, Հայկական ՍՍՌ ԳԱ ակադեմիկոս Սերգեյ Մերգելյանը ղեկավարում է Ակադեմիայի հաշվողական կենտրոնը:

(որի 35 աշխատողներից 22-ը Համալսարանի շրջանավարտներ են) և մաթեմատիկական մեթոդների դիտա-հետազոտական ինստիտուտ, որտեղ Համալսարանի 90 շրջանավարտներ լուրջ դիտա-հետազոտական աշխատանք են կատարում:

Համալսարանի շրջանավարտներ են նաև Պատմության ինստիտուտի դիրեկտոր, դոկտոր-պրոֆեսոր Ս. Երեմյանը, Տնտեսագիտության ինստիտուտի դիրեկտոր, դոկտոր-պրոֆեսոր Ար. Մարտիսյանը, Պատմական թանգարանի դիրեկտոր, դոկտոր-պրոֆեսոր Կ. Ղաֆադարյանը, Բժշկական ինստիտուտի դիրեկտոր, պրոֆ. Լ. Ա. Հարությունյանը, ԱՍՌԴ ճարտարապետության և շինարարության ակադեմիայի իսկական անդամ Հ. Ս. Մարգարյանը, արվեստի վաստակավոր գործիչ Մ. Վ. Գրիգորյանը, Մանկավարժական ինստիտուտի դիրեկտոր Վ. Համազասպյանը, Մատենադարանի դիրեկտոր Լ. Խաչիկյանը:

Մեր Համալսարանն են ավարտել նաև անվանի բանաստեղծներ Նաիրի Զարյանը, Հովհաննես Եփրազը, Սողոմոն Տարոնցին, Սիլվա Կապուտիկյանը և ուրիշներ:

Հաշվական ՍՍՌ Մինիստրների Սովետին առընթեր երկրաբանության և ընդերքի պաշտպանության վարչության սիստեմում աշխատում են երեանի Համալսարանն ավարտած 256 երկրաբաններ, 14 աշխարհագրագետներ, 7 բժշկիկոսներ, 5 տնտեսագետներ, 5 բիոլոգներ և այլն: Վարչության գլխավոր ինժեներ, Համալսարանի ուսն Սեդոս Ասլանյանը պրակտիկ աշխատանքի հետ միասին խոշոր գիտա-հետազոտական աշխատանք է կատարում: Նա պաշտպանել է դոկտորական դիսերտացիա և հեղինակ է 43 աշխատությունների, որոնցից 3-ը մենագրություններ են:

ՍՍՌԴ ժողովրդական տնտեսության զարգացման 1959—65 թվականների 7-ամյա պլանի և կյանքի հետ դպրոցի կապն ամրապնդելու ու ժողովրդական կրթության սիստեմի վերակառուցման վերաբերյալ ՍՍՌԴ Գերագույն Սովետի ընդունած օրենքը նոր հեռանկարներ են բացում ընդհանրապես Համալսարանական կրթության, հետապես և մեր Համալսարանի հետագա զարգացման համար: Պարտիայի և կառավարության պահանջների համաձայն երեանի Համալսարանում լրջորեն բարելավվելու է կադրերի պատրաստման գործը, ուսուցումը կյանքի հետ կապելու և գիտության ու տեխնիկայի այսօրվա պահանջների մակարդակին համապատասխան դարձնելու ոգով:

Առաջիկա տարիների ընթացքում մեղ մոտ հասակ ուղղություն է դարձվելու հատկապես մաթեմատիկայի, առանձնապես հաշվողա-

կան մաթեմատիկայի, գիտերենցիալ հաժառարումների, բիոֆիզիկայի, բիոբիոլոգիայի, ֆիզիկոլոգիայի, միջուկային ֆիզիկայի, ռադիոֆիզիկայի, աստրոֆիզիկայի, կիսահաղորդիչների ֆիզիկայի, կոսմիկական ճառագալթների և էլեկտրոնիկայի, բարձր մոլեկուլյար միացությունների ֆիզիկո-քիմիայի, քիմիական կատալիզի և հանրային հումքի քիմիայի գծով բարձրորակ կադրեր պատրաստելու վրա:

Անհրաժեշտ կլինի Համալսարանում ստեղծել նաև միջֆակուլտետային այնպիսի մասնագետների պատրաստում, ինչպիսիք են լեզվաբան մաթեմատիկոսներ՝ մեքենական թարգմանությունների համար, մաթեմատիկոս տնտեսագետներ՝ հաշվաման և պլանավորման կենտրոնների համար, որտեղ օգտագործում են էլեկտրոնային մեքենաներ, բժշկիկոսներ և ֆիզիկոսներ՝ կենսաբանական թերմոմոլ և, ընդհակառակը, կենսաբաններ՝ ֆիզիկական և քիմիական թերմոմոլ, հումանիտար գիտությունների մասնագետներ՝ բնական գիտությունների հիմունքների գիտելիքներով:

Համալսարանական կրթությունը կյանքին, ժամանակակից գիտության ու տեխնիկայի մակարդակին մոտեցնելու նպատակով Համալսարանում վերանայվում են բոլոր առարկաների ուսումնական ծրագրերը, այն հաշվով, որպեսզի առանց վնասելու ուսուցման տեսական բարձր մակարդակը, ապահովվի պրակտիկ արտադրական հմտություններով զինված մասնագետների պատրաստումը: Դրա համար հարկ կլինի որոշ չափով կրճատել դասախոսությունները, պահպանելով միայն առարկայի հիմնական սկզբունքային դրույթները, որոնք պետք է ուղղություն տան ուսանողի ինքնուրույն աշխատանքին: Ընդհակառակը, ուսումնական ծրագրերում ավելացվելու են պրակտիկ պարապմունքների, արտադրական պրակտիկայի ժամերը և ուժեղացվելու է ուսանողների ինքնուրույն աշխատանքը լաբորատորիաներում, արհեստանոցներում և գիտական կարիներտներում: Էլ ավելի է ուժեղանալու դիտա-հետազոտական աշխատանքը:

Համալսարանի պարտիական, կոմերիտական և արհմիութենական կազմակերպությունները, պրոֆեսորա-դասախոսական ողջ կոլեկտիվը այժմ նոր եռանդով լծվել են ԱՄԿՊ 21-րդ արտահերթ համագումարի պատմական որոշումների կատարման գործին, ակտիվ պայքար են ծավալել մասնագետների պատրաստումը էլ ավելի բարելավելու, ուսուցումը կյանքի, պրակտիկայի հետ կապելու, գիտա-հետազոտական աշխատանքի մակարդակի հետագա բարձրացման ուղղությամբ: Լ. ՂԱՐԻՐԶՆԱՅԱՆ